

慶遠府志卷十八

藝文志

按舊志臚載勅誥疏檄記序詩賦編為藝文殊非志體茲以本郡士林所撰書籍及諸名公之為斯土撰者列為著作圖誌兩門

著作

宋

潛山文集 宋史藝文志載潛山文集一卷馮京撰

明

越嶠書 明史藝文志載越嶠書二十卷李文鳳撰記安

南事

朱葵尊跋曰越嶠書二十卷宜山李文鳳廷儀

慶遠府志

卷十八

藝文志著作

一

撰安南自元黎則輯志略後又百餘年建置沿革興廢之由未有成書紀載文鳳特為詮次有倫有要外史邦國之志斯稱善矣序言其國主有二名正名以祀天地神祇僞名以通中國示邦人以不臣文鳳因具書之或訝其君臣之黠雖然人可欺乎適足形其至愚而已文鳳中嘉靖壬辰進士歷官雲南按察司僉事四庫全書提要云明李文鳳撰文鳳字廷儀宜山人嘉靖壬辰進士官至雲南按察司僉事是書皆記安南事迹朱葵尊曝書亭集有越嶠書跋稱為有倫有要於彼國山川郡邑風俗制度物產以及書詔制敕移文表奏之屬無不備載而建置興廢之故

亦皆編次詳明然大致以黎嶺安南志略爲藍本益以洪武至嘉靖事耳

越嶠方域志 澹生堂書目載越嶠方域志二卷李文鳳撰

月山叢談 千頃堂書目載月山叢談四卷李文鳳撰

黃虞稷曰月山叢談臨海王士性刪訂文鳳宜山人字廷儀嘉靖乙酉解元壬辰進士廣東雲南按察司僉事月山在其郡城所紀明初事多確 張鳴鳳序曰初是

書出於邑人前參後軍事屠君家惜軼其第一第二卷今年夏臨海王公以分藩右江至偶語及此公取視之乃檄宜山使求全書書得親爲校勘已乃授工

慶遠府志

卷十八

藝文志著作

二

刊之治所其冬過始安屬張子序且曰是而鄉先生書也雖然使車至部曾未巡行顧首取久故先輩遺書於其家刊視部內此甚盛德事夫歿而見求況與公並世而生者平何可不序序曰李先生者宜山人也蚤舉乙酉冠鄉諸雋後八年舉進士爲廷尉屬又八年僉廣東憲備兵廣南韶三郡居二年持服西還服滿僉滇憲以足疾歸歸十餘年始捐館舍至今蓋三十餘年矣方備官廷尉時天子聖明當廷決事百司肅然奉行如不及先生隨輩守文遵職亡從見竒既出嶺外交州多故幕府召集兩廣士大夫圖上方略先生是時身亦在中迨有親服去不及陪諸公聞

關受降一行至滇以足不良引疾歸家家又在西南
陲非冠蓋所經過存者少里人又亡可與語乃出故
所注記徵之前載采之旁聞總綴爲月山叢談一書
以自附於小說家者流日月山在其郡西先生自稱
月山子知古鬼谷先生寒泉子之類先生於此似自
傷已矣仁所復巽殆猶不忘身後名乎觀書中諸所
條列其摭摭博其究竟審其於鄉文獻間多裨益子
駿之雜記孟堅之四夷鄒衍之談天齊諧之志怪可
謂兼之矣豈比夫黃車使者徒得閭里小知所稱說
哉乃郡志爲先生傳名而不字雖存所著叢談名不
及其行事第曰廉而已又特以擒一劫盜爲備兵時

功最嗟夫何鄉曲之譽淺鄙若此甚哉歿四十年莫
有問者又何有於書倘令今不遭公求得刊布非委
覆篋則捐之餉蠹漸滅盡矣身後之名庸可冀乎故
不敢少遜謹如命序且爲先生謝並以告吾黨率勵
文學俟公物色焉

吉山集

千頃堂書目載吉山集四卷張烜撰

黃虞稷

曰烜嘉靖己丑進士提督漕運右副都御史

南都吟

見粵西文載張直之撰

直之烜子

李維楨序曰余

嘗考粵西故實漢則蒼梧陳欽治春秋左氏傳以經
術名唐則陽朔曹鄴以詩名宋則宜州馮京以三元
名皆通顯迄於本朝衣冠文物與上國等賢科相業

其人不乏而稱詩者寥寥余耳目所及獨張羽王詩有聲仕無中人摧頽不達豈其有遺行邪抑所遇非時也今宜州張先輩直之以春秋起家三上公車不第而好爲詩嘗從父客南都師友各流游覽勝蹟有味乎張曲江之言也京師衣冠所聚聲名所出從容附會不勤而成夫曲江掘起粵東而持論若是區區筐篋中物不可揚於王家必以東南佳麗地金陵帝王州爲營宇疏濬其心志深雪其精神寄身翰墨勤思竹素譬之鳳鸞非梧桐不棲非棟實不食非醴泉不飲譬之人芝蘭之室久而與之俱化譬之百川學海而至於海則其所取塗正而習染深也余見其南

都吟意所彼都人士出言有章者問之乃知爲粵人耳直之懷刺及門與余定交言其家中丞吉山公自楚興國徙宜山而馮當世又自宜州徙江夏若以爲楚地靈人傑兩相得而有合不盡田粵故然勾漏丹砂合浦綠珠非粵產耶天生材不擇地材由天造易地則皆然也假令兩公凡遇近器卽置之南都不可化誨而楚與粵何有才如直之粵生之南都成之天道能成人道必因天其年方壯業已治經爲陳稱詩爲曹向後爲當世與先中丞時有待耳蓋昔張氏有平子者賦二京與南都而孫綽獨以二京鼓吹五經昭明三賦並選鑒定不謬先輩勗之哉使讀南都吟

者比於南都賦足矣余楚人借先輩張楚自愧非曹
邱生可爲季布重也

青鳥山人集 高應暘撰粵西文載云高應暘字貞所宜
山人著有青鳥山人集

孟濂詩文稿 陳愚撰粵西文載云陳愚字孟濂宜山人
有詩文稿藏於家

四書會解 二卷高紳撰 高氏族譜曰紳字翼生以明
經貢太學仕江西零都縣訓導遷廣東信宜教諭尋陞
信宜知縣邃於理學手著四書會解二卷

國朝 孝經刊誤 一卷高熊徵撰熊徵字渭南宜山縣人寄籍

慶遠府志

卷十八

藝文志著作

五

岑溪 詳人物志鄉賢

小學分節 二卷高熊徵撰 四庫全書提要云熊徵順
治庚子副榜官至浙江都轉鹽運使是書隨章按節略
爲分解使童子讀之易於明曉而已

安南志紀略 一卷高熊徵撰 熊徵自序曰余考交趾
自漢武帝元鼎間平南越卽置刺史猶在吾岑建縣
之先雖中間一更女子徵側之反然馬伏波旋討平
之銅柱旣標交人震懼自漢而三國而晉而南北朝
而隋而唐無他虞也至五代間南漢實有其地而丁
部領始自稱王有宋之興文教稱隆而武略未振北
有遼西有夏終始爭戰其何暇及交趾耶安石謀立

奇功僅得四州一縣官軍八萬死者什六而交人
欽廉陷邕州屠其民五萬餘口得且不償失矣宋之
不競一至於此乃元世祖統一寰區嫉其不肯假道
命鎮南王脫懽征之詔發江淮蒙古雲南黎兵九萬
餘人水陸並進日烜航海再舉無功左丞唆都中書
李恒戰死脫懽以是得罪中國視交夷竟比之亡隋
之高麗矣孰敢加兵明永樂間一倖黎季犛再倖陳
季擴張英國之勳媿美伏波乃英公召還閩人鎮守
貪官墨吏不已誅求遂至黎利復判仁宗卽位仍用
中官宣德間茶龍州之敗寧槁之敗昌江之敗倒馬
坡之敗王通統袴竟主和議遂棄交趾以至於今嗚

呼麥趾誠不可取有如是哉若之何自漢迄唐皆爲
郡縣也予改調思明正與交趾接壤詢之故老康熙
十三年吳逆叛交夷乘亂屢破思明府淦僧等村光
其官男且勾通十萬山賊並破思明府淦僧等村光
復以來思陵疊控侵地先經郡丞李公山齡再經郡
丞謝公樞齡復經泗城郡丞潘公麒暨迄今郡丞陳
公達二十六年二十七年二十八年又三次往勘始
有定議夷情狡獪有自來矣余按思明抵南關僅百
餘里南關抵交州不過四百八十里許惟諒山至鬼
門關此百里間山環林密溪澗頗多稱勤跋涉耳餘
俱平坦大道不濘不沙可以方軌聯營渡富良江卽

爲交州非有劍閣平陰之險長江天塹之限也且其
州無城垣民皆草屋又非有高城深池之可憑恃也
奈何前輩之論咸美三楊以爲老成碩畫未易爲少
年喜功者道耶今年春又值交人入貢之期道府駐
節幾三閱月而交人動以泰事本章爲辭不肯驗貢
偃蹇濡遲殆爲已甚余閉齋無事因綜省志及谷公
應泰明史紀事本末與侍讀學士李公仙根使事紀
要二書纂輯成帙題曰安南志紀要俾留心邊事者
得有所稽勿謂樓船下瀕之師未渡富良龍編諒山
之域不煩戍卒有明兩定後反宋元遺車當戒使黠
夷輕中國伏波英國其人庶亦籌邊之一助云爾

金繪輿圖以備考

思明府志

六卷高熊徵撰

熊徵自序曰康熙二十有

一年廣西巡撫郝公開局會城聘闔省進士舉貢通
古學者咸集纂修通志余時司訓桂林奉檄協理志
局凡郡邑志乘悉得綜覽惟不得思明府志客歲之
夏余奉文改調思明得宏治間知府黃公道重修檄
志一本紙盡虫蠹字皆魯魚爲卷四照事多遺漏而
有籍可稽爰請於同知陳公召諸生集寓署分條別
欸以次彙編首沿革終藝文而冠以繪圖事必覈其
實詞務去其浮余親加校讐參諸省乘各立小序以
明其意爲門十有六爲目四十有五以附於其下共

成書六卷雖遐陬僻壤樸僊少文然盛衰興替之故
治亂安危之機物土之宜因民之俗奮武衛而揆文
教不患無據庶幾裨官野史之一助云爾

郢雪齋集 六卷高熊徵撰

文廟木主考辨 一卷高熊徵撰

醉直集 璩之潤撰之潤字元章別號醉直子

道學淵源 三十二卷余心孺撰 心孺字允孩號孝菴

別號餐霞康熙二十一年舉人其自誌云余候選 京

華滯迹三載窮愁著書謬註河圖洛書洪範周易創著

參贊位育身心性命明新至善諸圖性理管窺統名之

曰道學淵源共三十二卷

慶遠府志

卷十八

藝文志著作

八

天笑集 余心孺撰 心孺自序曰世鮮安義命乃爾行

嘆坐愁益增騷緒哀紅慘綠織作愁城浸瀟詞瀾猥

云窮乃工詩夫豈云爾夫詩道性情發天粹惟發光

抱一統揖太虛精神既凝真氣渾固元音暢發斯爲

佳美非謂怨尤慘戚抑鬱無聊不平遂謂真詩也至

若立鶴上僊青雲佳客或語帶烟霞或音鏘金石雲

笈霞籤豈僅固窮遂工耶古今終老巖穴顛倒塵緣

心迹背馳提掇胸中傀儡蜃樓海市起滅喜悲比比

皆是然窮未必盡能詩詩亦未必盡工也心孺幼孤

歷亂難險危虞難以萇宏碧血點染箕裘綠抗試僞

周流誰顧罔文章性命正如馬蹟蛛絲若斷若續撫

憲郝公垂憐守貞被難借學憲王公匾題忠孝名儒
賜獎勉登賢書大類野蔓江蒐聊就花實冷煖自知
原非古廟香爐期酌本願祇求不負生平爲大耳終
於固窮無營夢穩每常憂抑念一命字百障俱空抱
璞以全自然存真以還造化閒曠以樂餘生蝸居蟻
屈蠹食仙字期全本來面目隨寓而安有如桃虫處
桃壤虫處壤了無罣礙偶發心聲未嘗不如春鳥秋
蟲自鳴自呼不自知其爲樂爲悲渾同天籟造化應
啞癡拙也遇窮矣詩何以不工蘇長公曰詩成天一
笑萬彙寒窘天公與玉女投壺樂脫誤天爲之笑生
平困頓率意揮毫不無寒窘脫誤可笑之狀巡簷索
與梅花共笑語桃花先已笑春風惹得松引雲開天
一笑也每就正名宿輒如河伯至北海望洋向嘆若
見笑於大方家因名篋餘曰天笑集世誠笑孺母如
孺自笑孺自笑對天而笑終身付之一笑云

論癡夢草 十二卷余心孺撰

得月軒集 陳元迪撰 元迪字淪予歲貢性恬退好讀

書著述甚富

漢溪金丹集 二卷吳鳳林撰 吳氏族譜云鳳林字德

儀號東城官麻哈知州著漢溪金丹集二卷

湖山同懷藝稿 四卷吳鳳條輯 吳氏族譜云鳳條字

集儀號象峯雍正乙卯拔貢乾隆壬申 恩科舉人官

博白教諭性嗜學老猶不倦輯兄弟鳳林鳳翥鳳巢鳳
樂鳳集鳳來盆已文爲瑚山同懷藝稿四卷

靜齋文稿 四卷吳中華撰 中華字粹拔號靜齋性聰
敏善屬文所著有靜齋文稿四卷

冷署閒吟 一卷陳子智撰 子智字若愚號魯齋歲貢

官懷集教諭 子智自序曰余幼入鄉塾經書而外所

讀者惟八股間取一二古文兼讀塾師以爲可作八
股助耳至於詩歌詞賦從不寓目稍長入學益攻舉
業愈不敢閱恐爲八股防也迨後赴科不第歸罪八
股不靈一段牢騷不平之氣無由發洩間取一二詩
歌屬之見其有味亦竊效之以寫其胸中之所欲言

慶遠府志

卷十八

藝文志著作

十

於是時或見諸吟咏然而學無師授措詞鄙俗選意
不工未敢云詩也故隨作之亦隨失之不敢以呈人
亦不留之以遺笑歷年雖多稿俱無存癸未春選梧
州府學訓導梧固詩文藪也詩會時行有托爲之甲
乙者余愧未曾學詩勉加評論謬爲許可歲庚寅周
介亭太史掌教傳經書院朝夕唱和遂時時爲之自
是而後不能自禁見物遇事輒贅數語小兒輩以冊
錄之久而漸多族兄直夫見而悅之爲之校讐以待
梨棗余曰是欲炫長耶是欲見短耶直夫曰姑勿與
論炫長見短弟老矣弟今且欲歸矣弟之前半世所
爲於家者在梧之人不得而知之則今之十二載所

爲於梧者在家之人亦不得而知之何也以無所攷也若見公之詩則知公之在梧所行何事所交何人其立心若何其性情好惡取舍若何無不歷然在目是詩也者公之文章卽公之行實也可仍聽其散失如前半世之湮沒無傳乎余笑曰是蓋不欲我藏拙也於是質之同齋唐公亦以爲然遂序而梓之 子婉章跋云先君子仕梧州司訓老而好學喜吟詠婉章敬錄而存之積十二年成卷帙出請訂於族伯直夫而付諸梓用爲予小子之式歲乙未遷懷集鐸與邑侯李公廷珍氣誼相投唱和不倦戊戌五月望得病自知不起囑諸生梁子奕預擇扶櫬歸厝日期又

邀縣幕盧公正預修墓誌是月二十三日李邑侯過視強起與坐屬身後一切事畢口占云軀質還太空乾坤我自如凡塵身不染蓬島任安居念畢頓目而逝婉章泣血遵遺命按預擇日期歸葬於雒西里四隘山之陽乃先君子早立之吉穴也其水陸資斧實仰賴於李侯婉章不能奉先人之教披讀遺書宛然當日之誓茲因彙錄其遺命以誌不忘

濟世良方 一卷謝文徽輯

芹陵草草詩 二卷莫震撰震一名欺忻城人嘉慶己卯

科舉人道光六年大桃二等 朱方增序曰世之言詩

者徒講求聲調專工詞藻卽振采揚葩皆詩之末耳

未探其本也書曰詩言志古人對物抒懷長言咏嘆
蓋所以寫其性情據其思慮故觀其人而詩可知觀
其詩而人亦可知也嘉慶乙亥予奉

簡命視學嶺右甫下車卽聞此邦多教匪而慶郡爲甚人
莫敢撓官多畏理惟忻邑莫生震爲地方憂極力攻
之反被當道誣陷予爲辨復其衿旋舉於鄉三試禮
闈呈草草詩稿二百餘首各體俱備其和平妍麗者
固自不少多半感時憂事之作以吐其抑鬱牢騷之
氣始知其所名編乃取於雅詩勞人草草之意所以
寓其志也然生甘苦備嘗半生勞瘁使其得顯於時
其志節行事必卓有可觀而不僅爲鋪張揚厲之才

慶遠府志

卷十八

藝文志著作

十三

吾觀於其詩而深信其人之不苟觀於其人而益知
其詩之有本云爰嚙之付梓而爲之序

廉書

一卷莫欺輯

欺自序曰忠孝廉節天地之大義

也然忠孝有經節烈有傳惟廉則散於經史而無有
專著者余以攻匪囚桂林七閱月矣因有感而作廉
書亦錄古今所謂廉者法大聖人述而不作而已

傳傳傳

二卷莫欺輯

欺自序曰嘗聞傳太史合集魏

晉以來駸佛教者十卷名曰高識傳余每求觀之而
不可得後遊通都大邑亟搆此書坊肆中俱曰無有
想世之佞佛久矣此書所以不傳也余欲傳其傳因
復續傳志集魏晉以下至今所得闢佛之書無不錄

之附以已言亦不過傳傳太史令之高識傳云爾
良馬編 一卷璩嘉會撰 嘉會自序曰周穆王時年豐
國治有遍歷宇內之思於是購良馬號八駿其七皆
臆文安善乘穩駕和王愛之配以金玉餉以秣梁其
一名超光產於循途說者以爲馬有龍骨則產時光
見鄉人皮相愛之及長羸且駁破櫪壞銜蹄齧圉牧
鄉人乘之則什與他馬載糞車則不數里而覆附會
長者迂過而戒之曰此馬不恪且憤事曷殺之免害
鄉人終以爲異聞穆王好馬遂往獻之且白以故王
見而疑之乘之則搖耳伸唇若齧人狀王繫其銜轡
則倒行橫衝揚塵四起倏時間目無所見王廉其值

姑受之繫之國門相者無一許可王惑之芻食繩轡
而已後王御八駿窮極邊塞偶遇敵前界大河曰揚
眉敵聲近王易數馬皆蹙蹙不前急乘超光且縱其
轡則一躍而過如御風而行回顧七乘已爲敵所虜
矣遂一日千里至都門得免於難王嘆曰吾向以尋
常測者皆凡馬耳今而知馬之良者固不可以尋常
測也嗣值天旱趁光忽化爲龍飄然直上張牙舒爪
金光萬狀不終朝而霖雨遍天下是歲大有韓昌黎
云世有伯樂然後有千里馬千里馬常有而伯樂不
常有杜子美云於今豈無綠耳與驊騮時無王良伯
樂死卽休因輯良馬編以爲千古之不遇者慨

地理辨 一卷藍景章撰 景章自序曰地理之惑到處

皆然而慶遠尤甚非地理足以惑人人自爲地理惑也前人明知其惑又特造爲風土記以惑之使此輩求之渺渺索之冥冥始猶謂無賴者流借此獵食奈學校之士亦隨俗波靡迷不知悟愚哉談地理者祇因富貴福澤之說橫亘於胸中而不能釋耳不知古來富貴福澤惟修德行仁者享之今之人不此是求徒欲以死後形骸取將來之福澤無怪乎心愈妄而願愈遠也夫不問人之善惡但得一吉地即可取科第兩旺子孫則是富貴功名上帝不能操其權盡聽地師之爭奪有是理乎且地理之書起於有晉晉代

慶遠府志

卷十八

藝文志著作

古

帝王宜占盡吉穴使子孫世世富貴何以唐宋元明世經數易則地理之無據不辨自明矣茲慶郡所自稱爲知地者實繁有徒或自誇眼法之高或自詡羅盤之熟或停棺數年而不下或遷葬數處而未安禍及先人死不容其下土殃遺枯骨罪屢致於開棺生既以親作馬牛死猶以尸邀富貴是吾憂也於女安乎在彼謂其術愈精吾獨笑其禍愈烈也觀其後嗣絕者絕窮者窮竟有盜是爲有丐是爲者有無所不爲者此皆乃祖乃父精通地理之報應也宣仁璩子有言曰家有葬經盡行燒燬免累先人骸骨西成吳子有言曰富貴之家而迷於地理者其家將敗言哉

言乎因揭古今人名論爲一卷而綴以里吟曰古無地理書有自郭璞始胡不尋吉穴富貴至無比及考璞一身已不得其死後來談地者是亦可以已山水會合處間亦有靈氣堪笑夢中人泥信風土記以父母骸骨求子孫名利所以堪輿家死無葬身地太王處岐山原非擇而取秦伯至文王聖賢相踵武周公營洛邑東遷無令主看破此機關邱陵皆樂土

雁字全韻詩集

五卷湯廷詔輯忻城莫欺莫雲鄉宜山

常孜藍景章思恩常絢鴻所撰雁字五七律全韻詩

廷詔序曰三江人每謂邊方士子不諳聲律與之言

將鄙夷而不屑此無異語北人則概謂之不習舟語

慶遠府志

卷十八

藝文志著作

五

南人則概謂之不習馬同一膠見也吾鄉僻處天末然如張直之之南都吟高貞所之青鳥山人集固已與吳越巨手爭唱於前明卽國朝之天笑集醉直集亦嘗與當代巨公和鳴其盛今雖人才不古若顧鄉先輩之流風餘韻猶未墜焉余丙戌北歸暫息塵擾因檢孝廉莫子欺思拔常子孜莫子雲鄉廩膳藍子景章常子絢鴻前後送閱雁字全韻詩分五七律比韻各三十首細心覆讀覺語意工整音節鏗鏘於難押之韻難對之典無不戛然而妥帖且其機軸各出險覓狂搜摹形繪聲各極其態視林逋之咏梅謝逸之賦蝶殆髣髴焉爰自爲一卷勒成一集以風

後起之有志者而諸君力與之角工益求工尤大有
意在世嘗謂邊方士子不諳聲律願諸君閱此才華
一雪此恥以爲快

經律合課選

四卷道光三四年督學祝慶蕃刊發五經

詩題令諸生排日立課解闕發還宜山縣教諭廖汝馴
輯選拔羅暈鵬吳尙寬廩生姚人鶴姚人鳳姚人舉謝
憲章吳西成楊慶雲璩宣仁莫有基等卷擇其佳者編
爲四卷 署府訓導唐啟傳序曰學者窮經將以究天
人性命之理以爲明體達用之資而非徒以供咕嗶
助謳吟也若夫試律賦物調聲粘排對仗能涵理趣
而不能作理語所謂詩有別才非關學也是烏可通

之於經哉廼祝齋陸文宗歲科兩試皆刊發五經詩
題令諸生排日作課何耶文宗之意殆謂邊方士子
經學疏淺且於試帖尤多不工故使之每日作詩以
講究乎法律以調和其音節而題皆拈以經語則凡
作一詩必將取是題之全文講貫而玩索之如此日
久則五經遍及理明詞順音雅律諧將試帖工而經
書亦漸以熟是兩取其益也其所以造育邊方士子
洵法良而意美已而傳竊謂文宗之意尤有深焉者
蓋學者特患不通經耳果其手不停披口不絕吟俾
義理融通意思活潑則鳶飛魚躍之機時流露於心
目之間而形之筆墨自不事字句櫛比而自有依永

而和聲者先儒所謂點竄堯典舜典字鋪陳清廟明
堂詩洵不誣也廖麗川學博選諸生之秀者於文宗
閣定詩卷中拔其尤編爲四卷題曰經律合課選用
以示在庠諸生諸生誠本是選以爲程日拈其題以
窮究經書之指趣日作試律以揣摩聲調之和諧行
見闈庠俊秀莫不經術湛深詩律精細以仰副夫蘓
畦文宗教育之雅意是卽麗川選合課之深心也夫

圖誌

宋

龍谿書堂圖記

嘉定九年刺史張自明撰今在黃山谷

祠詳學校志書院

慶遠府志

卷十八

藝文志著作

七

元

北山圖記

至正十八年安撫司經歷盧陵羅咸撰 羅

咸記曰郡有城城有圖所以述古而垂後也百粵之
間連城數十惟茲郡萃兵民之任控西南之邊隸五
縣羈縻十七州扼束七十二寨其俗悍鷲鯁治前乎
作牧登埤擊柝日事捍禦不遑他務今年春余來幕
府適丁寇亂室廬新燬思所以葺寧之者公退之暇
周覽形勢稽度力用導官陂疏龍塘衆流滙於城南
引溉浸注瀦爲西濠溢於東關光涵玻瓈冷浸城址
鑿磐石於香山寺囊括岐路甃涵實於五通廟畜洩
灌潦又自西原廟之西葺管相土隨地凹凸植以排

柵繚以崇垣纒聯櫺比叢篁蔽虧包絡龍溪百堵皆
作人奮戶趨揭敵樓十餘所參錯其間徼巡委於倅
司賈勇料其丁壯上溯浪浦下逮彭步延袤十里江
流激湍相爲首尾憑高墉以游目則渺爲重湖巨浸
拍天羣峯倒影迴波威紋匿市鱗次宛在空明微茫
浩蕩若隔蓬島雖武千羣不能超而越也先是民間
規利屢賄於官欲墾爲田者輒沮其事發言盈庭是
用不潰於成余旣集衆力以就緒迺進父老而問故
龍江蜿蜒石磧犀利北山巒翠翠接九龍青鳥天門
左右翔翥此山川之清淑也馮三元以文章魁天下
黎特科以及第擅當時揆三吳繼踵二廖聯芳或執

駕仙蹤或抗節忠毅或寄迹吏隱皆生而名世沒而
廟食此人物之傑出也又如清獻趙公以政事著績
克國呂公以弭寇策勲蘇府君之節概餘威鎮乎殊
俗黃太史之流芳清風凜然高閣余皆以飾以構式
崇明祀景行先哲又慮其久而或泯也勒之貞珉凡
圖有未備則載於文文有未悉則見諸圖俾同志來
者知所考證云

明

慶遠府志

千頃堂書目云十二卷內閣書目云三卷萬

歷十一年知府黃文炳撰

黃通志
誤作王

文炳自序曰古者

千乘之國及附庸之邦皆有史以掌記時事自國列

爲郡縣而史失其官然後志作今志猶古史也顧古
有國必有史而今郡縣之志則或輯或不輯或存或
不存無論分符綰綬卒蒞茲土者未由鏡前修備後
觀卽其土著黎老亦徃徃不知其疆域分授規制崇
卑與邦君先後媿惡汚隆之詳嗟嗟志之失也亦已
久矣詎獨史哉慶遠在百粵西南卽禹貢荊州之域
秦漢屬象郡交趾唐迭更爲州郡隸在嶺南宋仍唐
乾封名宜州自咸淳初而慶遠始有府矣已更置於
元迄我明興復仍咸淳之舊制定爲府領縣五而一
屬於土領州四而屬於流官者僅一其長官司三則
皆土也凡去京師萬餘里而遙不佞炳辛巳秋奉命

守是郡驅馳甫暇搜郡圖籍亟欲得志讀之乃闕如
也因慨念是郡之被化較遠於他郡以故是郡之士
田民物風俗兵防官聯師儒之紀聞亦易紊於他郡
卽他郡無志是郡其可已乎於是不揣固陋請之監
臺僭等纂輯之役與二三僚屬及鄉縉紳旁稽周詢
摺體分類第爲卷十二卷有圖有表有傳有文有錄
越歲而告成事猥以炳之不敏遜著述之途遠矣一
旦草創其所未備於此中之山川形勝得無經畫未
審遺於覽睹之外乎土田民物得無綜核未實失於
摺撫之據乎風俗淳漓兵防夷險能必其一一如摺
掌乎以風官邪未必凜乎霜鉞之加也以紀師儒得

無倫序乖懿文采未振乎不佞炳竊惟大悚息焉蓋
非曰爲是郡垂不朽也亦惟爲是郡闢草昧以俟後
之君子後之君子其以炳爲僭踰炳惟命以炳爲疎
略炳亦惟命若念炳所以始事者辱賜一言潤色之
是豈獨炳拜賜邦之父子弟拜君子之賜宏以遠
矣不佞深有望云 節婦論略曰郡僻西陲求之士
行尙或有玷而於女德安望無瑕罄悅之飾不知寓
義於檢束而以爲艷冶之需環珮之容不知象德以
範躬而以爲文身之具紛華競侈綺麗爭妍何所不
至當此波蕩中而有特立之操若汪氏輩豈非君子
所深嘉有司所重獎耶然布業之門儻然不緇而埋
璧於延譽之無從沈珠於汲引之無途者豈淺鮮哉
嗚呼生旣茹荼以殞死又與草木同腐其可痛悼孰
甚焉雖然吾願吾民鑒德引年爲齊眉之德耀不願
吾氏激節抗志爲柏舟之共姜若必求其人以充之
意亦薄矣

國朝

慶遠府志 十二卷康熙二十三年知府白啓明纂輯協

修宜山知縣楊正立天河知縣黃渭河池知州劉安國

思恩知縣鮑復相荔波知縣傅鴻業慶遠教授廖之諒

訓導梁魁祚宜山教諭伍傅訓導徐孚淳天河訓導王

嚴河池學正張應宿思恩訓導唐時雍郡舉人余心孺

慶遠府志

卷十八

藝文志圖誌

三

恩貢定應雷 啟明序曰郡志爲州邑彙信之乘固
周官小史外史類也啟明於

上御極之壬戌冬奉

命來守慶遠急欲得悉掌故區畫興除而記載無有傳
者卽擬授羅哀輯奈時金戈甫靖次第莫之或遑嗣
滇黔大定

聖天子將成

昭代大一統之書

詔中外具通志以進用佐萬一取裁蓋煌煌鉅典也啟
明旣承執事檄敢不竭蹶備將惟思志者識也原以
識其所自有也非廣詢博採則一時之聞見爲罔不

慶遠府志

卷十八

藝文志圖誌

五

採本殫精則羣言之紛綸失實慶遠越在邊陲叠罹
兵戈無徵文獻希操觚以成帙勢非旦夕可能但謹
撮略申詳而攬撫則有待後兩載政務稍暇爰進二
三屬吏語之曰慶雖微壤而聲明文物久埒中州且
羈縻強半上下數千百年統隸分奉其間陵谷變遷
風謠移易以及戶口賦役之有盈絀人材物產之有
盛衰官師吏治之有賢奸部署經猷之有廢置苟具
位而不聞竊已羞貽鵠背而况先曾徵取寧塞責遂
已乎是郡志固有力當修輯者而咸諾爲然因俾所
知動南戴子董其任爲思運會相承禪代其不一也
則宜志歷考燦然而躋次者昭回我也離奇配駭族

頑判焉則宜志星文飛將懷失道之慮軍爭求迂直
之謀犬牙欵制維其限矣則宜志境地顛俊以藉經
綸藻冕可資陟降公卿大夫登庸之人爵也則宜志
選舉體國經野粒我蒸民而偵賄式之制於以昭則
宜志賦則鸞鳳來儀乎豺狼當道乎教揆衛奮係斯
人之休戚安危也則宜志職制攷工著於冬官子來
徵其惠養時使之令行天道焉則宜志建置祠鄉梓
里各仍蒸嘗非以其與芳徽勁質振頑勵俗共垂不
朽歟則宜志人物山林澤藪之產藉以利用阜財禹
貢職方多地宜也則宜志食息言乃心聲濟時艱標
崇論是皆政事之所資耳則宜志藝文不以微忽不

以誕棄耳目所習者殊尤纖悉備焉則宜志雜記然
要之是數者亦止識其所自有者已爾非等稗官野
乘可任增浮美今但仰觀俯察周爰諏謀備極風土
搜求六閱月而稿脫其間發凡起例綱舉目張儷於
繁而不冗規乎簡而不略使龍水上下數千百年之
掌故注目無不釐然即不敢謂文質權輿竊比周官
外史而欲問宜陽之文獻則已不患乎無徵矣以是
綴入一統志中譬彼滙行潦於河海其俟將來者之
攷證則風示殆不少讓云 歷論略曰慶遠固曰窮
荒自嬴秦王翦滅楚乘勝定楊越置象郡而慶遠屬
之則是地列於版圖其所由來者久矣第流土相參

更變不一上下幾千年錯綜損益是地倏州倏軍倏
路與府因易業多番在支輔屬邑而猶不可概論若
是不遽加考証歷追以悉其傳將浸失厥原難以云
經略矣迄今計之慶則猶是彼有仍舊名而壤地滋
削者宜山也有既經割沒而復歸附者天河也有登
常改易而不失此境界者澗池與恩恩也有變土爲
流者荔波也棄流爲土者忻城也有原本羈縻而今
仍羈縻之者東蘭南丹那地也有昔本無設立後經
析流爲土而司者永定永順正副也是且時移代易
觸緒紛然故備述其淵源兼畫陳其體段且卽臨民
政教之所亦略具其規模昭如指掌較若列眉俾閱

者了然慶郡之由來如此慶郡之幅員袤廣如此慶
郡舊日之徭字宏壯如此庶過茲以往再歷數十百
載其或不致等於燕然銅柱世承蹟湮白水甘泉道
遠難躋也哉 星文論略曰慶遠介居荒徼爲古鷄
巫骨卜窮鄉夫固何所証合竟定爲上應某星之某
度哉然自黃帝分州畫野之後九州職方遂相因勿
易由保章氏以星土辨九州之地邦國封域皆有分
星以觀妖祥故甘石之說興焉粵西係揚越裔土或
以爲斗牛分野屬星紀或以爲翼軫分野屬鶉尾以
今考周禮載九州寰寓東南曰揚正南曰荆廣右於
戰國值楚越禹貢荊州之域實翼軫分野爲鶉尾之

次無疑慶遠距桂林五百七十二里查桂林曩稱始安屬零陵郡而統轄於長沙計長沙距始安纔一千餘二十里晉天文志以零陵爲八軫十一度按軫星共十七度禮記正義所引緯書考云一度二千九百三十二里有奇則慶遠距長沙尙不及二千里之程卽此而推郡治是當軫之十一度屬荆鶉尾之次度支輔流土各州縣東西聯絡七百四十里南北輪輻三百里包在二千九百三十二里之內應不外軫十一度可知矣

按緯書所云指周天之度數言非在地之里數也所論未確

氣候

論略曰五嶺以南爲炎方地卑土薄陽氣常以暄煦而泄陰氣又以低濕而盛綠是秋冬之際雪霜少見

慶遠府志

卷十八

藝文志圖誌

一

林葉常青卉木每每生葉成實人於一歲中暑濕過半腠理不密所以膚易汗生苟調攝之功不虔陰陽交失其正率多抑鬱脚氣等疾慶遠介龍城而西四季皆等暮春中夏時亦有寒涼如秋冬者自朝至暮寒燠數番令人不可捉摸且二三月有青草瘴四五月有黃梅瘴六七月有新禾瘴九十月有黃茅瘴人能節飲食慎起居卽爲於此地善于養生而變瘴癘爲禎祥則猶在緩和者加之意云

許見地里志風俗

境地

論略曰慶遠介廣右西鄙漢土相參民狽雜處屏蔽右江據上游勝概最爲徽南要害觀之嶺外代答有云廣西控扼蠻彝曰邕曰宜邕屯全將宜屯半將之

議則可見矣我

國家聖化宏敷彝習駸駸亦日多變但地瘠民貧田賦不足人心果於爲惡虎狼環在近郊蕞爾孤城一隅斗絕勢益難支惟告守土者苟能常念接爨獠置戍守之說則庶乎其桑土綢繆已 建置論略曰先王之治天下凡以爲此民而已界民有域則城池宜創也臨民有政則衙署宜崇也隔民有所則學校宜分也聚民便民有地則村疇墟鎮宜成衛民保民有險則關隘屯堡宜設濟民利民有道則橋渡溝洫宜通也以至塘舖壇廟之立皆以勤民福民寺觀坊墓之昭所以祐民表民也慶遠固屬邊方殆儼然障徼也揆

慶遠府志

卷十八

藝文志圖誌

三

度幅員不下千里彼奉璽書而來泣茲土者茅茨是處衙署不敢望其攸躋芋寧而城池乃容蓄之衛學校爲風化之由關隘屯堡則扼塞與烽警交資橋渡溝洫則津梁與隰軫是係塘舖壇廟則號召與崇報攸關不爲布置周詳其何以立範圍而嚴保障且此椎髻跣足之流問其黨族而居者幾何鄉熙穰而通者幾何所瞻仰而祈者幾何處表章而見者幾何人是皆締造之所不遺者也昔有而今仍舊者志之固所以昭其實如昔有而今已湮沒者志之亦所以存其名寧不望後之振起修明留心民瘼之君子哉 職制論略曰慶遠介粵徼西鄙凡齒育生聚於斯者

率皆虎狼蛇蝎固甚賴有人焉涵濡以爲之化震悚以示之威使不終行其恣睢桀驚庶乎道德一而風俗同自秦廢封建而郡縣置尉以分守貳而文武之途判漢晉隋唐宋元於郡縣文職則有太守刺史州牧縣令丞尉之稱武備則有都尉督郵衛侯卽將巡檢都監節度萬戶指揮督備之別明初文職於府有守有丞有判有理有首領於州若縣有牧有令有倅有尉有雜職而又正旁其秉鐸之員武備則設衛開屯有指揮千百戶守禦參將統卒旗軍堡目 本朝定制相其煩簡扼塞而輕重布之於府州縣之守牧令而外裁去其丞佐之冗卽鑽鑰干城且建牙卒旅

之不濫以故控制攸宜聲靈遠暨世守茲土者仰榮名而凜正朔拱手聽命非復有如曩日之田泗不掉者故卽斯地從前洫任文武之爵里姓氏併土司之襲替淵源挨次以表列之而統於職制任事者其務寅恭協贊母或乖方以致其陸梁哉 選舉論略曰

宋陳涇宜州學記有云聲教之所暨文軫之所薄每舉應試之士不下五六百人前馮後黎相望而起則其科目之盛殆有可想見焉明踵宋制專以八股掄才其補博士弟子者挨歲有薦遇恩有拔於學而定以額糊口易書之試三年一舉行之秋而爲鄉行之春而爲會蓋猶成周選俊造秀之遺意宜山之掇省

解捷南宮者內而翰苑鄉臺外而旬宣岳牧咸濟濟乎世有其人所謂聲教之所暨文軫之所薄亦約略可觀矣我

國家久道化成邦人士其亦觀感興起求如始平之相業以聲施奕禩哉 賦則論略曰慶遠僻處廣右西徼磽确其區狴犴其衆總土地人民之出納不足當中腹之一鄉一里又何有貨賄壘聚以供邦國之用哉乃吾觀於慶之爲郡以言阡陌鱗冊固井然也以言生聚版籍尤燦陳也以言夏秋之所定則尤按畝而輸也以言輸值之與偕則尤趨辦恐後也以言關徵之入隄引之銷函方之制則尤按額輸將殆未嘗以

慶遠府志

卷十八

藝文志圖誌

七

狴犴其衆磽确其區而不一爲應也獨是邇者鋒鏑方經瘡痍乍起于垣于澤尙厯哀鴻分符佩綬於茲者苟能撙節愛養勞來而安定之則十年生聚十年教訓使之既庶且繁則閭閻之富藏而邦國之用可佐是固吾之所爲禱祠以求者爾 人物論略曰慶遠自漢列入版圖其沐浴歌咏亦已久被乎王化矣迄於今則先達之流芬如昨也升高以望香山之關爲問當年琴聲鶴韻尙有清人耳目者閨嘗人忠義祠觀廟貌巍然輒令我流連其中而不忍卽去獨奈何其萬紅寶華不一見黃太史之遺也所幸境治名賢聲光猶在不特始平相業崛起塵寰而續武來茲

者摛詞吐鳳之英奪錦鑿龍之彥尙斑斑表著與彼
賁志萋貞之弱質同標其姓氏焉况乎露下璫簪香
生石室猶自有高蹤殊軌足供人之憑吊者藐矣蠻
販尙可謂有人哉 食息論略曰慶遠窮荒瘠土地
屬不毛其所產不過日用布帛菽粟之鬻耳雖然粒
我蒸民誕降嘉種艱食無虞則穀菽重澗溪沼沚之
毛蘋蘩蘊藻之菜可薦鬼神可差王公則菓蔬重卉
植華落定天時之蚤暮天喬盆樹覘國運之昌期則
花木重擎尾芻豢實茹飯之克佐博碩肥膾謂民力
之普存而且齒角皮革羽毛所以備器用戒不虞也
則羽毛重鱧鱉有禁蝼蝻有舍蕃庶物也則鱗蟲重

金石草木之繁燮理所資也則藥物重平糶齊物關
市不廢實裕賦足民之所有事也則貨產重以今觀
我慶遠凡飛潛動植之交備是卽窮瘡遺黎所同爲
飲和而食德者可以爲瑣細而忽乎哉 藝文論略
曰慶遠之載籍無徵然規畫指陳之所在則亦不能
無表著焉彼君門萬里而上敷奏之言庶事周章而
極諮謀之計是欲達情而善後也則有疏有議而呼
籲神聽殆亦祈天祐下民之詞則附之築城遷治政
事攸闕學校祠堂風行所係故創之修之則有記有
序而遺愛之去思與登臨之志概要皆是地是人之
所著亦附之見民之害切剥膚爲哀矜以請命粹蠻

之有需策應當調度之咸宜則有文有檄固自等監
繪之圖善事機之用也至長言短句或羈人畸士抒
登高望遠之懷或三事大夫寫愛國憂民之致皆得
連彙而哀集之良以此爲是邦之言詞卽闕是邦之
政教自應入是邦之記乘云耳乃若敕爲王命之敷
宣頌屬褒嘉之極則跋爲序之後銘乃志之終照乃
事之據亦既有之敢或置之故得並列藝文以俟他
年之質証 經武志論略曰粵地號稱反側慶遠屏
蔽右江所屬強半羈縻封疆袤於內地士馬雄於近
郊其在郭以外民之家一獐獍之穴九非我族類固
與心殊且性習悍果於倡亂馭之不得其宜匪獨

慶遠府志

卷十八

藝文志圖誌

五

溪峒酋長慢命令而違徵召而苗蠻亦遂肆其出沒
焚燬室廬劫掠人畜妄自恣睢加以黔楚豫各省奸
徒蔽蹤竄跡類多煽誘生端一遇不逞卽萌他志以
窺伺睥睨於其間斗絕孤城四圍皆敵慶遠之患實
則內在蠻而外在寇也稽宋若元其時撫水安化蒙
尚鎮寧諸藝動輒烏合雲從攻掠城池劫倉庫殺長
貳雖不無啟釁如經制谿崗王祖道之邀上邊功而
蠢爾蚩蚩素行率多不悛由是殄撲之舉與懷柔之
典并行迨至有明不特南丹東蘭那地諸土屬蓬獍
不靖頻煩天討卽漢宜池等之橫嶺述昆惟建各處
彝賊以及忻城東區八僊莫往各峒其害更不勝言

觀顧鎮遠之征討王新建之襲殺劉制閫殷中丞柳元戎等之平定亦了然可見矣嗟乎自述昆數鄉三百餘村之地棄而宜山削莫揚侵茹難而思思削莫之厚燬董界而荔波削東蘭侵三旺那地占下里而河泄削後即歸我侵地不敢亂我版章然慶遠之患實則內在蠻而外在寇也守斯土者務善爲統馭以慎我職任土宇方得寧耳若夫土司兵亦師干之所藉也故并列入經武以見徃制之有在云 雜記論略曰古蹟者人爲物態所流傳觸目而可資興感災祥者天象星文以示兆仰觀而可飭躬修而怪異則標竒於耳目猶可以快觀覽廣聞見也故皆爲記乘

所不遺至於一事而涉民風一言而闢政治或察之而可昭鑒戒識之而發心思者可不備指而敷陳耶故軼事瑣言亦不容忽慶郡屬隸進邊第恐失於記載耳如使堪爲記載即當博覽無餘以爲採風之資故終爲之志雜記

慶遠府志

十卷乾隆十九年知府李文琰纂輯協修署

宜山知縣天河縣查克直河池知州汪洪淵署思恩知縣金甲李景賢東蘭知州張允觀慶遠訓導兼署教授何天祥宜山教諭朱桐忻城土縣莫景隆宜山舉人湯德崇董聯芳歲貢陳子智楊梅賓廩生苗德沛趙一清文琰序曰今天大下一統矣車書之盛海宇同風縉

書云神農地過日月之表則日表骨利月表青 粵
西比之猶邇封也官斯土者顧其地鄙其民窳其
政俾習爽間昧不得耀光明而後 盛世之文治何
哉雍正初先伯濤菴令融余時羈州隨任署中頗稔
粵中風土去歲復自大同奉 命守慶圖所以養

士治民爲裨益與除計者而紀載闕如稽考無自益
文獻之不足徵也久矣康熙初前守白君啟明輯有
府志十二卷多漫漶殘剝訖不可讀又昔時風鶴甫
定獯狁類多伏莽今則仁漸義摩蠻獫罔之所皆
夷爲坦途蕩蕩平平文教之誕敷於斯極矣可無著
錄以志休美而顧因仍舊乘聽其日就蕪沒與夫發

凡起例董宰兼綜俾克成書以備一郡之掌故司民
牧者之事也編摩考校典核精詳毋使冗漏貽談都
人士之任也爰燬合各屬延博雅士廣爲蒐羅條目
一遵廣西通志兼參舊志及楚吳通志義例增損裁
足以賡續前書今夫天地之精華日積而日盛國家
之政教愈久而愈隆我 朝休養生息百餘年來時
易勢殊所以經營措置之方亦各變而通之與時宜
之慶介在邊徼輿封其如故乎而考證曩今風俗之
移易隸屬之分合夫亦月異而歲不同矣設險以守
國壯觀以臨民與夫崇報秩祀之區建置詳矣一展
卷而瞭如也慶支歲額視土田戶口爲盈縮足國裕

民無患漏卮食積之志義取諸班史焉耳建國君民
教學爲先泮水之芹與中泚之莪益茂也有文事者
有武備邊防嚴矣爪牙之士可任執冰而興乎設官
分職惟以亂民主流文武桐鄉之遺愛有勿誼者矣
列爲職官凡我有位仰先躅而內省其知所以自勵
也已三物六行以興賢能制科而外更有辟薦統曰
選舉彬彬乎頡頏上國焉鶴山龍水蛇螭扶輿而入
物蔚興表而揚之毋俾芳踪懿節致與腐草流螢同
歸澌滅也文以載道心聲之發侯其偉而立德立功
更藉不朽於立言詎可以爲蟬蛻之末也而忽之志
備矣掇以雜類用資考鏡以廣見聞彙爲十卷目凡
昭

國家大一統之治庶幾周官外史之意云爾抑余聞楊文
憲公之說矣天生五材肇於水寤於土人非水土不
生而非水上所能圍嘗讀禹貢見其土九州等九賦
地產方貢品明臚列獨怪其詳於物而略於人也又
讀周官職方別男女均多寡又怪其詳民數而略性
與俗也及觀管子之著水樞班固之志地理則禹貢
識方之未詳者備矣管子之水樞列齊楚越晉燕宋
六國而貪蠶簡易之俗謂其解在水固之地理列秦

蜀至吳粵凡十三國而游俠而柔弱而剛毅而徐隨而夸奢而剽悍而巫鬼謂其習皆係乎土然與否吾不得而知矣孔子曰性相近也習相遠也夫人性稟於天自王畿土中至於海隅日出也習則係乎君之令師之教而非水土所函乃知禹貢職方萬世之書而管班則一時之書耳粵稽諸古陳元出自蒼梧公輔生於愛州三元馮公非慶產乎德行經濟且與日月爭光矣今

聖天子崇尚賢表章經術慶人士述聽風聲其務自濯磨以仰步前徽而勿以遠畫地自限哉若夫志之嗣修增補廣所未備俾不致如舊志之漫漶殘剝尤不能

慶遠府志

卷十八

藝文志圖註

三

無望於將來同志者之考訂云 檄爲行取事照得俗異五方品物別九州之族類風同四海寰區大一統之規模隸職方於版圖徼外亦徵文獻治要荒以戎索斗南詎廢編摩繫慶陽雖曰極邊於嶺右實爲名郡地屬荊州之域星占軫宿之分南戚列於天官北戶臚於爾雅覽商書之獻令桂國會登文犀陳王會之交間若人競貢玄貝界羅施以自外昔多瘴雨蠻烟列禹甸而稱雄今被薰風化日流峙奠位山川之淑氣時凝靈秀爭奇人物之光華日啟應有三都之椽管廣爲鋪張何同夏五之殘編聽其漫漶豈山經惟志物怪竟禹貢弗詳民風自秦漢以來二千歲

之考訂詳矣由熙雍而後七十年之紀載闕如撫
簡而縈懷常低徊於永日企蘭臺而翹首徒
望於千秋本府躬膺

簡命典守茲邦水陸舟車遍紫塞炎方者萬里左右圖史漸
縑細縹帙之百城讀管子之著水樞貪靡簡易總條
分而縷晰考班祿之志地里儉陋夸奢舉眉列而目
清荆楚歲時卽氣候之端北襄陽耆舊迺人物之權
輿固竄遷書易平準而食貨唐承漢史別文苑於儒
林建置有書倣黃圖於三輔輿封必析補汗簡於九
邱秩官彷彿漢儀兼表桐鄉之遺愛藝文規撫班志
益收急就之鴻章唐室記登科選舉堪揚於天府張

慶遠府志

卷十八

藝文志圖誌

五

華志博物雜類聊續夫齊諧履其地恍若曾遊想其
人欣如可作思步芳徽於曩哲宰委蒐討於異人用
詹閏月初吉之辰敦延郡中博雅之士捐貲開局重
加纂修遵廣西通志之大凡參楚吳二書以起例類
總次而爲十目分六十有三摺領提綱敢曰希麟經
之筆削準今酌古庶幾效馬史之體裁越絕晉乘廣
蒐羅以裨聞見魏志吳錄徧採輯以讐異同勿等嶺
表異錄之媿隅無關典要罔同桂海虞衡之瑣細祇
益叢談豈徒摘藻揆華侈著作之能事將以揚休誌
美贊黼黻之鴻猷擬合就行爲此牌仰該漢土官吏
一體遵照遴選紳士有品行識見者徵諸文獻將舊

有志書逐一搜羅殘缺者輯之遺漏者補之務照粘單內六十三條逐條確查至秩官人物自康熙二十六年以後有政蹟行誼可以風世者不拘漢土尤須細爲檢查詳開事實毋漏毋濫編成卷帙申繳赴府以憑核奪並將所選紳士給文來府以便送局分校官吏俱有督修之責慎勿遲延忽視有干未便速速
總制楊應琚序略曰今

天子御極之十有九年余恭承

恩命承乏於粵東西舟車所涖宣布德澤導揚

威武郡

守州牧縣令尹所部之士庶與夫島夷估舶以訖班
爛椎髻侏儻之酋咸向風舉踵爭相慕義喁然於

慶遠府志

卷十八

藝文志圖誌

三十五

國家赫聲濯靈爲亘古盛治之所莫及李侯以才且賢自郡司馬擢守慶遠郡舊有志迄今已數十載矣李侯以爲斯固一郡興除之大闕而官斯土者不可視爲緩也爰更爲輯之書成請序於余余乃爲之言曰夫誌乘之作豈徒悉掌故資考據云爾哉誌輿地必思犬牙何以相制繡壤何以相錯保障捍衛之方不可不預爲籌也誌建置則當思何以崇觀瞻何以昭體制金湯鞏固不可不亟爲講也誌食貨則所以平糴役均賦稅通商惠工阜民豐財之必有其道乎誌學校則崇儒重道誌武備則建威銷萌揆奮兼而修攘舉之何以臻此乎至於顯忠遂良則富思誌於秩官

禮賢與能則當思志於選舉樹品爲立身之大端惟
旌別淑慝所以誌人物文章爲不朽之盛業惟考鏡
古今所以誌藝文下至小物不遺兼收並錄皆所以
爲官斯土者殫心思助耳目之用又雜類之所由以
誌也凡皆盡太守之職以爲國計民生而已使粵東
西之凡有事於斯土者胥允克若茲則余亦得以吏
治官方之澄叙藉手以對揚

聖王寄以封疆之至意則凡誌乘之修未必非相與砥礪有
成者蓋不獨慶遠爲然也而李侯其知勉乎哉 巡
撫李錫秦序略曰古者聖人御宇道德一而風俗同
海內清和遠邇惟一故天下之圖職方氏掌之四方

慶遠府志

卷十八

藝文志圖誌

三

之志外史掌之所以大一統示無外也我 國家

承平日久

聖聖相承湛恩濺澤覃敷荒徼雖在鑿齒雕題之屬咸蒸蒸
向化漸起文明之治焉慶遠處粵西西陲與黔省隣
自漢迄明統隸不一無論徃事 昭代制作近

世風譴總無成書可按康熙間知府事白啟明採輯
舊聞搜羅時事纂慶遠府志迄今垂七十年其間經
畫區處日就精詳而近事未備者增修尤亟知府事
李守踵事續成其以十志統各條目者仍舊志而目
中分合先後不無異同則酌通志例參互攷核既詳
且密而慶遠府志乃大備夫慶地多危峰峻嶺密林

深箐土著之民不無喬野加以狺獠狼狽獠獠諸土蠻雜處其間其服煊爛其音紇那由來舊矣粹不可變而在今時顧安其居樂其業爲士者敦詩書爲農者勤稼穡雖有異類無知亦復奉法畏罪而虞詐不生反側不作讀斯志也可曉然於

聖天子因俗設教之至意故生於斯者無不優游於光天化日之中且願撫斯土者加意拊循益廣

皇仁於勿替也 藩伯德福序略曰慶遠十二屬其間官則有流與土之殊民則有漢人及徭獞之別其氣候則有烟瘴之時行其疆域則爲黔表嶺南之襟帶又控禦南交貢道之聲援此慶遠之大略也其中賦役建

慶遠府志

卷十八

藝文志圖誌

七

置官秩政蹟食貨學校人物藝文之類凡列在職方氏者皆象胥匡人之所諭訓方懷方之所通而小史外史且輯之以成掌故者也慶守李君來謁挾郡志一冊相示蓋其手輯新志方脫藁成編而將付之梓人者予展玩之見其瞭然者繡錯之星土也犁然者惟正之籍也炳然者文人之治蹟冠纓也麗然者其俗也翹翹然者其挺拔之幹芻芻之聲也吁觀此書而賢守所以謀慶人之安爲慶人計長久者其精勤已露一斑矣夫地之不足圃人也不有文身爲俗者乎後且風雅傾上國矣不有系高麗者乎後且刻石天山矣華路藍縷稱者曰惟楚有材周禮周官其始

也陶復陶穴地之靈歟人之傑也振古如斯矣
勉之哉安官府之文教而變其未盡醇之習陶鎔於
天子之化而從龍從虎雲湧風生將令後之續是書者煌煌
奕奕罄三管而不勝書于以貢之明堂藏之天府金
匱中豈非涖斯土者之所拭目而興慶者哉 臬使
楊廷璋序略曰余以乙丑歲奉 命監司右江慶
遠爲右江巖郡歲巡或至再三凡蠻溪狴峒高欄深
箐轍跡無不至焉迄今山川風物猶歷歷在目也宜
州建置自唐隸中國版圖已數百載非狂榛初闢者
比顧土苗僻陋文獻無徵郡未嘗有志也白君啟明
以康熙二十三年來守茲土蒐羅舊聞採輯軼事哀

然成書草創之功大矣迄今又七十餘年我

朝重熙累洽久道化成文教日隆土宇日擴道德一而風
俗同昔之所爲侏儻蠻野悉變而爲禮讓絃歌則舊
乘所載有未可執古以概今者况郡之有志非徒侈
廣博資見聞已也上而備史官之採擇下而涖斯土
者得以攷風土之宜因地制治所繫綦重其間疆域
之改隸田野之開闢戶口日增人才輩出更月異而
歲不同必纂輯者勤斯近而爲稽苟徒守陳編閱時
既久不特事多散軼且所見異辭所傳聞又異辭將
盡付諸闕疑之列其何以信今而傳後哉故續修之
功與創輯者埒此固余在右江時俯仰流連所有志

焉而未逮者也今歲秋慶守李君手一帙就正於余
展卷之下山川風物昔所遊歷宛然在眉睫聞既能
舉數十之事具載無遺而其蒐羅纂輯之博更有備
前志之所未備正訛攷異之功益有發前人所未發
者余竊喜李君爲能續白君之遺緒且有以竟余未
逮之志也

思恩縣志

康熙七年知縣翁世庸編纂

世庸序曰康

熙丙午春正月奉巡撫廣西都御史金公文查修粵
西志書欲考掌故徵文詢獻以垂一代之典型誠盛
舉也庸吏環江已五載時留意於山川風土間曾不
得考諸掌故徵諸文獻觀其風淳龐猶未開也夫何

慶遠府志

卷十八

藝文志圖誌

三

從而誌之雖然邑固小又處粵之僻壤其輻輪則數
百里皆遠山不毛瘠土輕賦兼獯獠豺狼類相聚卽
其形勢駭彼風誰又安得不爲之志哉於是爲之繪
輿圖以志土地廣狹爲之辨疆域以志天文分野與
歷代沿革爲之列形勝以志山多柱立水若建瓴爲
之稽官制定公署整城池復兵堡立監倉庫守以志
文武各職共守官廨仍復其舊鎖鑰時嚴以防要塞
貴謹其宜出納禁獄必得其吏爲之建學校葺祠廟
肅壇壝備關梁稽古蹟崇名宦核人物以志膠庠之
俊彥鬼神之靈祚社稷之福祐津梁之利涉先達之
遺績令尹之足傳鄉賢之可風爲之計荒熟之戶口

問職方之賦役定鹹鹺之創始較古今之氣候驗風俗之崇尙紀本土之恒產以志其人聚散其貢中下其課增益其時行生其風蠻獫其方育植若夫忠孝節義文行卽不必備惟待其人審是雖欲不爲之志而尺地莫非土尺土莫非臣又安得獨遺也哉因博搜前書若范成大之桂海虞衡志陳公璉之桂林志莫休又之桂林風土記劉珣之嶺表異錄沈懷遠之南越志范昺之邕管雜記周去非之嶺外代答至於今蠻荒下邑知有其目而不見有其書其書之存於世爲士大夫所共稱道者惟有林省吾之廣西通志僅以佐今日之修舉已耳尙可缺焉不講使掌故文獻終將沒於塵埃敗篋之中宜撫軍之急欲稽考以彰明較著者矣庸承是役不能不慨然於今昔之制度情事曠然於天地之物候山川也記閱二載始成聊以備一邑之志云至于修明文物廣宣聲教猶以埃後之賢者

慶遠府志

卷十八

藝文志圖誌

甲

天河縣志

二卷道光五年知縣林光棣編纂

光棣序

曰志之時義大矣哉土地人民政事綱舉目張宏纖備錄綜往事昭來許於是乎在士君子服古人官居則覽志而充其識出則考志而推其用措正施行基諸此矣此一統志代有成書而郡縣志乘尤急先務也河邑自唐宋以後置縣設官革故鼎新凡所施爲

佚焉無考迄明三百年制作漸備人物漸啟逮我
聖朝恬熙涵濡世樂 太平桀黠者淳樵魯者交民遵道
而遵路士式玉而式金浸浸乎禮教名邦矣而志闕
焉偶遇省檄招撫舊聞輯略以上無惑乎輜軒無記
數典忘祖也且夫政之爲也不志其本雖多而鮮徵
亦雜而無紀光棣下車怒焉厯懷不揣謏陋公餘之
暇蒐通志証古蹟訪父老詢喆士凡有關河邑志者
僞輯之挈領提綱分條析縷弁言於各門之首詳顛
末也附類於總目之側期簡約也序參通志倣古體
也事歸核實禁冗濫也卷分上下二篇書成秋冬兩
季詳辨魯魚付鐫梨棗悉親讐而捐廉也綜往事昭

來許庶幾在是乎抑聞之考摺著述典贍精詳博雅
材也今則蠻荒隸版文獻無徵光棣一行作吏不敏
不文謬撰斯志適增顏甲也語曰敝帚享千金又曰
雖有絲麻無棄管蒯後之君子因是推擴而潤色之
其諒區區之苦心也夫 督學周作楫序曰蜀北林
謙仲甫以名孝廉出宰粵西所至有聲如任永福茶
城各邑則修書院捐膏火勸農田省徭役有利必興
有害必除卓然治績口碑載道士有去思之慕民興
來暮之歌蓋本其學道愛人之素以實心而行實政
而非同於施恩小惠要結名譽者也於元年補天河
令下車伊始權其緩急審其機宜而徵文考獻志乘

缺然乃慨然以創修之舉自在夫事莫難於創始况
河邑自唐以來沿革相承迄今千百餘年其間輿圖
之改置山川之遼濶與夫經政無考官績無存何以
綜徃昭來釐然各當俾後之隸斯土者瞭然於心目
聞可以察情形知利弊以爲措正施行之準於以知
志乘之創修非易易也然則林君之心力亦苦矣廣
搜羅精考核勤諮詢親纂敘在校讐捐廉俸爲古之
所未爲能今之所難能儒者服官自有千古其信然
與我

朝化洽邊陲同軌同文沐浴詠歌日新月異河邑雖小其
士之良秀者咸好禮而向義其民之愿樸者亦服教
而畏神類皆良有司之仰體

慶遠府志

卷十八

藝文志圖誌

三

聖化而無怠無荒俾斯民優游涵泳日漸摩而不自知也僕
適按試慶郡見河邑之文風日進士氣亦醇知作育
之有人爲諸生竊幸曾林君以邑乘告成郵寄示余
僉索序言余故將林君之所以爲治者質言之而不
事鋪張揚厲而林君之有造於河邑亦足千古矣
按察使葉紹本序曰郡縣之有志舊矣其制仿自周
官而自漢以來圖經地紀所載益詳後且著爲令甲
蓋以識土俗之異宜河山之形勝民情之淑慝財賦
之匱盈合天下郡邑之志而上之太史卽爲 臯與
無外之規百國寶書九邱秘策不是過也顧從來爲

郡縣者一行作吏每簿書期會之不遑罕有能留意地志者卽或抗心希古而委之幕僚成於剽壁其書每蕪陋無足觀不足以資攷信則組銅章館綬綬者固宜以此爲先務矣天河置自唐時爲區貢要荒之域蠻獯雜處山谿險深蒞是邑者每以其僻陋不暇與文教以是志乘闕如西蜀林謙仲以名孝廉出宰是邑循循撫字閭里向風乃得以爲政之餘蒐討舊聞網羅放失手輯縣志一書乞余爲序余閱之見其叙次簡當考覈詳明而一縣當因當革之政無不瞭如指掌遂使雞桐蛇柳之區炳炳然與大邑通都並峙君之心可謂勤矣夫作史莫難於志而唐賈耽以熟精地理朱墨之表豔稱千古君之淹貫該洽誠不在賈君下余更願君崇禮教以化鳴皋務農桑而歌賈犢庶幾治行蒸蒸日上標映倫伍以仰副

聖天子

保惠萬方之至意使後之讀是志者與清獻靈壽並

傳豈不禱哉

署右江道慶遠知府英秀序曰序者

何叙其事而嘉其所志也河邑雖小豈無事迹而縣志闕如蒞茲土者將何以悉其山川風俗戶籍田賦而施其所志乎志者志也此天河有志卽林君之志也余曩守慶遠見府志殘缺思有以修補之而贊志未逮茲護篆右江林君來謁以縣志屬余序因念林君先獲余心且能創始也其志不亦偉歟考天河彈

九邑耳置自唐始凡所沿革散佚無考迄明教化漸敷至我朝涵濡歷久浸浸乎淳俗敦龐型仁講讓烏可以無志林君下車伊始卽以是務爲急不期年而志告成凡目十有二條其言簡其事該而其所志則無盡昭示來許庶幾周識山川漸移風俗察戶籍之繁嚴筆征輸之緩急是則其志之所存者至於風揚節孝追溯前徽凡事足以啟人興起觀感之念斯志加意致詳所謂激勵人心勸勉風俗者非耶其間如名山勝蹟林君於政事之暇邀集邑之文士相與題咏留連益徵其敷政優游嫻於吏治紆經濟而爲文章又特其緒餘焉耳將來余歸慶修志必當採輯入之亦以覓林君與余同心同志云爾 署慶遠府張志詠序曰道光六年余試守慶遠天河令尹林君以縣志屬余序余維縣之置始自唐隸於粵州其後或屬宜州或附融州至明改屬慶遠府我朝因之固西粵之奧區也

國家仁風翔洽休養歷數百年來田疇之墾闢碩槩之向

化官師人物之才者能者與夫賢潛德閭閻貞誼諸掌故零落莫詳焉夫周官土訓掌道地圖以詔地事誦訓掌道方志以詔觀事蓋使來者有資也守土而不留心志乘庸非闕歟林君來宰是邑嫻於吏治暮年之間政通人和謂邑不可無志乃網羅散佚

參諸攷訂粲然美備爲日凡一十有二秉筆計萬有餘言其間山川人物風俗土宜洪纖畢舉而于往哲嘉猷循良楙績三致意焉觀於此可以知林君之爲政矣所謂文章本政術者非耶壽之梨棗昭示來許自茲天河文獻庶有徵乎抑余更有念焉邑處崇岡疊嶂之間幅隕遼澗苗獫雜處深顛循良之吏學道愛人稽戶版當知附循之匪易也覽田賦當籌征輸之咸綏也策科名親習俗當思禮教之宜先振興之宜力也凡此卽景會神緣情立政中有眞意存焉生斯宦斯者不皆可以意逆之耶余適承乏茲邦獲觀新志之成固樂爲之序也

慶遠府志

卷十八

藝文志圖誌

星

宜州集 四卷乾隆二十一年商盤守慶遠時撰

希聞圖集 一卷宜山知縣周冕輯嘉慶十六年永定壽民藍祥一百四十二歲奉

旂賞冕命畫工摹其像傳示縉紳一時播爲美談競題像讚贈送詩歌冕因輯成卷帙名曰希聞圖集長沙羅南序略曰希聞圖者周柳塘明府爲藍老人而作也老人世所習見何謂希聞以老人現年一百四十二歲故曰希聞也杜子美云人生七十古來希况七十再度者乎予以硯農假館於宜山公廨親見老人於縣署且得旬日與之周旋是從前所希聞者今且習見之良由我朝重熙累洽

如聖相承我

皇上壽富延洪登三咸五是以敦龐之氣不遺於瘴嶺蠻鄉
祥瑞之凝遠邁乎鳳凰芝草凡物以希而見珍况於
熙朝人瑞乎盛事希聞於前史錢裴山中丞奏摺中語也
明府因摘其句以名其圖 郡人楊萃序略曰辛未
重九適於永定司署之培桂書齋課讀之餘窓前賞
菊忽韋夢占世侯以希聞圖集見示受而讀之知作
之者邑侯周柳塘記之者長沙羅熒堂也不禁喟然
曰希聞哉是圖也近古以來聞有百冊餘齡之老人
者乎聞有如是老何沐

皇恩之優渥者乎聞有如是老令邑宰三接親與之交談者
慶遠府志 卷十八 藝文志圖誌 吳

者乎夫以曠古希聞之事創見於邊徼炎荒足徵我
國家運會之隆瑞應敦龐野叟猶歎休哉宜乎周侯之樂
爲圖集也

龍江回棹草 道光二年教授唐仁撰 馬平縣教諭劉
永達序曰余幼讀柳子厚詩凡柳州之山川形勢民
物風謠宛然在於心目及老而秉鐸龍城身之所歷
一如熟悉始恍然於子厚之詩宛如告語也余門生
堯心官慶遠學博往來柳江與余再晤矣今歲壬午
季秋自省會送諸生入闈公旋過余出示龍江回棹
詩冊余披而讀之覺自柳江以達龍江所過一城一
堡一灘一石無不形之於歌詠且旁及於風景又旁

及於勝蹟余未嘗至慶遠而其間之山川形勢民物
風謠又宛然在於心目一如往日之讀子厚也者因
縷述以誌於簡端

慶遠府志

卷之八

藝文志圖誌

畢



慶遠府志卷十八終